

武昌府輿地記四

光緒湖北輿地記

興國州

沿革

禹貢荊州之地職方爾雅亦屬荊州周為楚鄂國地秦屬南郡漢為下雒及鄂東境屬荊州江夏郡後漢因之三國吳改鄂為武昌析鄂東境置陽新今興國為下雒陽新地屬荊州武昌郡晉初因之東晉武昌郡屬江州義熙中併下雒入陽新置官陵興國為陽新官陵地晉書地理志無下雒有官陵圖經稱武昌國州下引志云吳置陽新縣在今州西南五十里六朝時皆治此今猶謂之陽新里隋改置於高陵故城在今州東南六十里其城一名子胥城相傳子胥所築按高陵即官陵之聲轉是官陵在今興國州境蓋省下雒入陽新又置官陵也宋併官陵入陽新興國為陽新地屬郢州武昌郡齊因之梁分陽新置國川改陽新為永興國川屬武昌郡永興屬江夏郡興國為

光緒湖北輿地記四

一

永興國川地分屬於武昌江夏二郡矣陳因之但復永興曰陽新隋平陳廢國川改陽新曰富川後又改曰永興興國為永興地屬荊州江夏郡唐為永興地屬江南西道鄂州永泰後置鄂岳觀察使元和元年置武昌軍節度使鄂州皆屬之五代為永興縣屬鄂州於梁唐時屬吳唐遙改武昌軍為武清軍於晉漢周時屬南唐保大中分永興之大冶場為大冶縣羊山鎮為通山縣自是永興縣境適合今之興國境顯德五年入於周宋太平興國二年置永興軍明年改興國軍以鄂之通山大冶隸軍於是興國軍領永興通山大冶三縣治永興屬江南西路元至元中升興國軍為興國路總管府屬江西等處行中書省後割屬湖廣明太祖甲辰年改興國路為興國府洪武九年降為興國州省永興入州領大冶通山二縣屬湖廣布政使武昌府

國初因之康熙三年分湖廣布政使爲湖北布政使興國州無所領屬武昌府

疆域

廣一百七十四里縱一百零三里至京師陸程二千九百六十七里至本府陸程三百八十里橫距府經綫一百五十五里縱距府緯綫一百五十三里斜距府二百一十八里東至廣濟縣界五十二里西至咸甯縣界一百二十里南至江西瑞昌縣界四十三里北至大冶縣界六十里東南至江西瑞昌縣界三十里東北至蘄州界五十六里西南至通山縣界一百里西北至大冶縣界五十一里

天度

增日出入

緯度北極出地二十九度四十六分三十四秒經度距京師

光緒湖北輿地記四

二

中綫偏西一度二十一分四秒

冬至日出卯正三刻十二分三十秒日入酉初初刻二分三十秒晝四十刻五分夜五十五刻十分夏至日出卯初初刻二分三十秒日入酉正三刻十二分三十秒晝五十五刻十分夜四十刻五分

山

興國之山分富水以南富水以北兩支其在富水南者卽幕阜山東支爲興國武甯瑞昌界山西自通山縣東迤至州西南百里之石良山入州境寶塘河水出焉石良之東曰冕陽山其北有石灰坳支阜石灰坳之西北曰太平山太平山水出焉太平山之西北在水南者曰北台山在水北者曰蛇嶺又北曰象鼻巖又東北曰峯火尖又東北曰張家山冕陽山之東曰石昂頭

其北有石嶺山支阜石灰石嶺兩支均延亘於寶塘河與依山  
水龍港水間者也石昂頭之東曰依山依山水出焉又東曰金  
竹尖其北延亘於依山水與茶寮水間者有張山坳支阜金竹  
尖之東北曰富山又東曰馬弓嶺又東曰黃土嶺茶寮水出焉  
卽方輿紀要之黃土山言南接武甯東接瑞昌盤回百餘里黃  
土之東曰羊腸山龍港水出焉其西北支阜曰古暑山又西北  
曰和尚山和尚山之北曰金釵山和尚山之西曰五萬尖山又  
西北曰虎頭山又西曰文筆峯又西曰南山坳此延亘於茶寮  
水與龍港水間者也羊腸山之東曰黃沙嶺其北有飛鳳山支  
阜黃沙嶺之東曰木魚山其西北有下馬石支阜下橋鋪水出  
焉下馬石之東曰牛頭山牛頭山之西曰厚腦山厚腦之南曰  
流泉寺山厚腦之北曰石尖山厚腦之西曰上厚腦山又西曰

毛峯尖又西曰南山南山之西南曰楊泗泉山南山之西北曰  
馬嶺止於龍港水入富口水東牛頭山之北曰二尖山又北曰  
白馬山又北曰顏子山又北曰龜山寨又東北曰鍊錨山又東  
曰金頭山又東曰城山止於九寨港入富水口西此延亘於九  
寨港與龍港水間者也木魚山之東曰苦竹坳其北有黃嶺山  
下霧嶺支阜下霧嶺有小水出焉苦竹坳之東曰皮家山曰下  
彭坳下彭坳水出焉其西北有玉嶺山支阜玉嶺之西曰白茅  
嶺又西曰獅子巖又西曰白馬山玉嶺之北曰東山此延亘於  
九寨港與西湖水間者也下彭坳之東曰山棗嶺西湖水出焉  
又東北曰陽鳥山其西北支阜曰周家腦又北曰荷葉山荷葉  
山之西北曰鍊嶺荷葉山之東北曰黃牯尖曰宋山此延亘於  
西湖水與戎湖水間者也陽鳥山之東北曰橫立山戎湖水出

焉橫立山之西有百疊山支阜橫立山之北有鳳皇山支阜鳳皇山之北曰黑林腦又西北曰缺案山山西北卽下雉故治也此延亘於戎湖水與夾節湖舒婆湖間者也橫立山之東曰坡山卽大坡山方輿紀要言山旁有石樓嶄然拔出眾山里人於此造茶名坡山鳳髓有大坡洞其北有獅子巖坡山之東至曹裏源又東北至界首於是幕阜東支至此始離湖北界東入瑞昌境止於廬阜界首之北有支阜曰劉姑砦劉姑砦之西北曰鳳山洞方輿紀要云相傳南唐主李煜嘗屯兵於此依山築城今山頂遺跡尙存鳳山洞之西曰大嶺又西曰中嶺中嶺之南曰雞籠山方輿紀要云相傳五子胥曾駐兵於此中嶺之北曰小嶺又北曰軍山劉姑砦之西曰鯉魚山曰罩山蓋臨大江矣其在富水北者卽省垣正脈所分之東支也自州西一百三

十四里之北山東北迤爲興國咸甯界山至州西一百一十二里之大墓山於咸甯詳之自大墓山迤東北爲興國武昌界大墓山之東分支入興國境者曰雙尖山港口水出焉雙尖山之東在港口水北者曰南山又東曰大窩山又東曰大南山又東曰白馬山此延亘於港口水與寶佛山水間者也雙尖山之東在港口水南者曰對門砦又東曰九龍山又東曰萬真山又東曰火峯尖火峯尖之南曰忠尖山又西南曰四搭山火峯尖之東曰白茅山白茅山之北曰仙人砦曰白家山白茅山之南曰張家砦曰紗冒山白茅山之東南曰風仙洞又東南曰四角山其南卽古陽新縣治也今日陽新市四角山之東曰大窩巖又東曰大山尖其南曰莫家尖大山尖之東曰紫金山其北曰半邊山曰丫髻山其南曰望夫山

曰柏山紫金山之東曰黃瓜山又東曰牛頭山牛頭山之東  
南曰上石眠牀又東南曰張家山又東南曰栗林寨牛頭山  
之東北曰五馬尖又東北曰石龍山石龍之南曰白巖山石  
龍之東北曰跡潭山此延亘於港口水與富水間者也大墓  
山之北分支入武昌境者曰黃龍山又西北曰王英巖又西  
北曰駱駝山又西北曰青鴉尖山又西北曰青溪山此延亘  
於大頭坳水與大墓山水高橋河水間者也大墓山之東曰  
大頭坳武昌之大頭坳水出焉又東曰王彩山武昌之西龍  
港水出焉王彩之北分支入武昌境在西龍港西者曰袁家  
山又西北曰洪家砦又西北曰牛皮山此延亘於西龍港與  
大頭坳水間者也在西龍港東者曰大田山大田水出焉又  
西北曰黃毛山曰金雞山此延亘於大田水與西龍港間者

也王彩山之東曰楂樹山又東曰寶佛山興國之寶佛水出  
焉寶佛山之北分支入武昌境者曰黃荆尖山又東北曰伍  
家尖山又北曰大泉山又西北曰祝家尖山又西北曰馬蹟  
山圖經言山石上有雙馬蹟又北曰雷打山雷打山之西曰  
白家山雷打山之西北曰長山又西曰黃麻山雷打山之北  
曰西山觀其東南卽金牛鎮此延亘於大田水與小港水間  
者也寶佛山之東北曰關口其分支東南入興國境者曰石  
潭山又東曰靈泉山此延亘於寶佛水與馬橋水間者也關  
口之東曰金竹尖又東曰半山又東曰大腦山又東曰馬橋  
坳爲興國武昌大冶三交界其北武昌之小港水出焉其南  
興國之馬橋水出焉其分支西北入武昌境者於武昌詳之  
東南爲興國大冶界者曰金柯山又東曰牛頭山又東曰彭

家山又東曰三峯山又東曰寺背山又東曰柏子山又東南曰老虎山曰象鼻山曰鳳皇山此延亘於馬橋水與白沙橋水間者也馬橋坳之東北入大冶境者曰果城山方輿紀要言環繞如城一名屏風峽又名黃茅尖山勢峻峭有黃茅寨守此可避寇果城之北曰馬嶺山又北曰天台山天台之西北曰獅子山曰蠟燭山天台之東曰大角山又北曰小角山曰夾城山又西北曰講堂山天台之北曰黃家山又北曰楊家嶺楊家嶺之西北曰宋家腦又西北曰蓮花山楊家嶺之東北曰陳家山又東北曰卓金山此延亘於陽賓橋水與鴻賓橋水間者也果城山之東曰相公山曰下周山下周東北曰殷家山棲儒橋水出焉相公之東曰蕭家山蕭家山之北曰馮家腦又東曰象山轉而北曰赤山又東北曰詹家山又

東曰蔡家山又北曰余家砦蕭家山之東南曰徐家山徐家山之南曰唐山徐家山之東曰筆架山筆架山之南曰盤鼓山又東曰火燄山筆架山之東曰馮家山又東曰旗竿山又東曰雲霞山入興國界其北分支爲興國大冶界者曰獅子山又東北曰大和山又北曰五峯山其東北有支阜入興國境者曰大箕山又北曰紗冒山五峯之西北曰龍角山方輿紀要言兩峯相對本名龍耳唐改今名又西北曰鹿耳山又北曰尹家山其西北有支阜入大冶境者曰徐子腦曰胡家山又西北曰靈峯山尹家山之北曰劉家山又西北入大冶境者曰銅綠山又北曰黃猴山又西曰雞冠山雲霞山之東入興國境者曰三教山三教之南曰大王山大王之西南曰蠟燭山大王之東南曰觀音巖三教之東曰三台山又東曰

白巖山白巖之南曰項家山白巖之東曰七峯山七峯之北  
曰小箕山七峯之東南曰白闔山又東曰銅山尖銅山之南  
曰水家山又南曰項家山銅山之東曰百福山百福之南曰  
果老山果老之西曰下河寨果老之東曰沫山觜百福之北  
曰牛頭山又東北曰錫瓶山錫瓶之北曰赤馬山赤馬之北  
曰五龍山方輿紀要言盤紆高聳狀如五龍赤馬之東北曰  
大子山大子之北曰金竹尖又北曰千秋菴大子東北曰北  
山赤馬之東曰鳳翔腦鳳翔腦之東南曰軍山鳳翔腦之北  
曰北峯尖又北曰東西山又東北曰分泉嶺分泉之東曰龜  
峯山又東曰二勝山分泉之東北曰葦山曰東子山水經注  
江水逕葦山北卽此葦山也錫瓶山之東北曰父子山又東  
曰九頂山又東曰筠山筠山之南曰峩眉山筠山之北曰真

人腦又北曰洗腳石筠山東北曰荆山又東南曰鳳皇山又  
東曰小丫山小丫之北曰火山小丫之南曰靈巖山又東曰  
下山磯筠山東南曰大丫山又東南曰花山又南曰碧山又  
東南曰玉屏山又東南曰黃金山又東南曰馬鞍山又東南  
曰半壁山臨江峭立東對廣濟之象山流水砦江流至此頓  
爲狹曲實鄂東南門戶有礮臺百福之東曰黃牯山卽黃姑  
山方輿紀要言產銀舊有銀場黃牯之東曰十八折又東曰  
犀牛山犀牛之南曰盆山又南曰文峯塔犀牛之東曰紗冒  
山又東曰焦山焦山之南曰道士山焦山之東曰寨山黃牯  
山之南曰銀山方輿紀要謂之大銀山元時曾采銀於此銀山  
之南曰白楊腦白楊腦之西南曰獨山又南曰沫山觜又東  
南曰蟠龍山白楊腦之東南至隄湖頭又南卽州城此馬橋

水  
坳以東一大支延亘於富水與漳源湖間者也

江水自大冶縣東南流至州北少東七十里之漳源口入州境東南流十里過葦山北又東南流八里過沙池口東沙池口即水經注之空石口也西南有山即空石山山西之蝦蟆湖即江浦也今沙池口無港蓋淤塞而尚存口名也又東南流十里東岸即蘄州城又南流五里至海口東有港西北注四里達海口湖即水經注所謂東會海口水南通大湖北達於江者也海口有海口塘西匯約十五里其西北有蝦蟆湖西北匯約十五里蓋即空石山西之湖而南通於海口者去其別解海口湖約東西八里南北十二里云而海口港西口適當湖東岸之中江水

自海口東南流東岸爲廣濟地八里至黃額口東即水經注之臧口也又東南流六里至菖蒲港東有菖蒲港西北匯爲菖蒲湖長約七八里又東南流五里過下山磯北又東南流十里至郝磯港東即水經注之土復口也有郝磯湖水西北自荆山麓東南流十五里爲郝塞湖東南匯十里爲港東南流五里來注又東南流經半壁山下十二里至富池口東有富水來注

富水源出通山之白羊尖東北流至州西南一百一十四里之界首入州境界首上流詳通山篇富水自界首東少北流十二里有寶石河源出通山縣南少東四十八里之平林山北少東流十八里至崇福會東有崇福會水西南出佛臨山東麓北流又轉而東流來會寶石河又北流二里至小源河口有小源河東南出將軍山北流會自東來一小水又北少



西流來會寶石河又西北流十里至墳坪山西轉而東北流十里至吉港口有吉港水東南出九宮山西麓西北流逕界牌鋪南又西北流來注寶石河又西北流五里轉而東流二里逕寶石河市又東北流五里有桐港橋水西出牛犢嶺北東流逕羅緞山北栗子坳南又東少北流至燕子峯東會自西北來一小水又東流來注寶石水又東北流七里有東港水南出九宮山北流逕東港山之東又西北流會南出西港山西之西港水又北流至萬里橋會自東來一小水又西北流逕橫石潭北來注寶石河又北流十八里至風口山北受自西來之下泉水轉而東北流六里至富有橋西受自東來之富有水又北流八里入州界又北流逕柏枝山東六里來注富水又東南流二里至大畝市南有小水西北自三口泉

東南流來注又東南流六里至九門樓南有長灘橋水自北來注又東北流十里逕慈口市南有慈水西北出九折嶺東北流逕竇家橋二十里至小港口會自西北來之小港水又東流六里又東南流七里受自北來之石馬鋪水又南流七里來注富水既受慈水東南流五里受自北來之北地水又東南流二里受自北來之余家壠水又東流十三里至陽新市南卽吳陽新縣治水經注富水出陽新縣之青湓山西北流逕陽新縣是也惟西字當爲東字之誤耳有寶塘河水西南出石良山東北流十二里受自東南來之太平山水又東北流里許受自西北來之宣教里水又東北流十五里來注富水又東少北流五里受自北來之新橋水又東北流二里受自北來之馬家橋水又東流十里至駱家渡有龍港水東

南出江西瑞昌界之羊腸山西北流十二里轉而西流繞金  
釵山北十六里至虎頭山東轉而北流四里繞虎頭山北西  
流十二里會自東南來之茶寮水又東流四里至龍港司南  
會自南來之依山水又北流十五里來注富水既受龍港水  
東流五里受自北來之望夫山小水又東北流四里受自北  
來之黃瓜山水又東南流二里受自北來之牛頭山水又東  
南流八里受自南來之周家壠水又東流八里至排市北轉  
而北流十里至花潭南有港西注五里匯爲長塘湖南北六  
里東西三里富水又自花潭東北流十二里逕漳洲市南又  
東北流五里至港口有港口水西出武昌咸甯界之大墓山  
東流三十里會自西北來之寶佛山水又東流三十里至三  
溪口有白沙橋水西北出大冶縣西南四十三里之白沙橋

東南流十三里至小住橋會自北來一小水又東南流七里  
至花檣樹市之西入州境南流六里會西北自馬橋坳流來  
一水又東南流三里來注港口水又東北流二里受自北來  
之高橋小水又東北流二里受自北來之李村小水又東南  
流十里轉而東流四里受自北來之米埠橋小水又東流八  
里受自北來之上河寨水又東南流六里受自北來之下河  
寨水又東南流五里來注富水既受港口水東北流五里逕  
圻潭南又東流十里有港北匯爲沫寨湖東南約六里廣半  
之湖北受北出黃牯山之荻田港水富水又東南流五里有  
九寨港西南注五里匯爲東春湖東西約十二里南北約七  
里湖西南隅有東南出下霧嶺水西北流十八里會自南來  
之下橋鋪水又東北流六里來注富水又東北流七里至州

城東南有港依南城西注二里西南匯爲南湖東西約五里  
南北半之又自南湖口依西北注五里匯爲隄頭湖自東  
北至西南約三里廣半之富水自城東南隅東流二里有港  
北匯爲歐家湖南北約九里東西僅二里湖之北受自西北  
來二小港名曰雙港二港相距約二三里耳富水又東南流  
九里至西湖口有西湖水南出山棗嶺北少西流十四里會  
自南來之下彭坳水又北流二里會自東來一水又北流十  
四里東南匯於鍊嶺荷葉山下爲西湖自西北至東南約七  
里廣約三里西湖水又北流七里來注富水既受西湖水又  
東北流十三里至戎湖口有戎湖水東南出橫立山南西南  
流十二里轉而北少東流十二里至石田河匯爲戎湖北匯  
十里入港湖東西廣約六七里入港又北少東流五里來注

富水又自戎湖口北流四里至明口有明港西北注六里匯  
爲明湖其北又曰茅荻湖約方十里富水又自明口東流七  
里水南有下雉故城蓋漢縣水經注又西北逕下雉縣是也  
其西字亦爲東字之誤又東流九里至舒婆湖之大口大口  
之東二里爲小口兩口間有小阜橫塞自兩口入港南注約  
二里會入舒婆湖湖面東西廣約六里自兩港相會處南少  
東匯七里入港又東南注二里匯爲夾節湖湖面東西約十  
里南北半之其達舒婆湖港口爲夾節湖之西北隅而夾節  
湖南岸受三小水其東水源出永城鋪北西北流五里至湖  
之東南隅入湖其中水源出瑞昌界山曰曹裏源北流六里  
逕黃岡鋪東又北流四里入湖其西水源出瑞昌界山北流  
六里逕高壠鋪東又北流五里至湖之西南隅入湖富水又

自小口北流四里至網口有港西北流二里又西北匯二十里爲網湖其東西闊處約十五六里蓋卽方志所謂富池湖者湖之西北隅有湧泉街水源出州城北三十里之湧泉街東南流十八里逕陶港鋪又東南流六里北會西北出筠山東南流來一水南會西出犀牛山東流來一水三水旣會曰宋家湖又東南五里來注富水又自網口東流十里至富池司北入江水經注所謂江之右岸富水注之是也富水南北羣湖漫衍又卽水經注所言水之左右公私裂漑咸成沃壤者也方志又名富水爲長河云

江水旣受富水又東南流八里至鯉魚山北入江西瑞昌縣境鄉鎮

州有鎮市三十一鄉二里三十八

富池鎮在州東六十里黃鰲口鎮在州東北五十里劉婆市在州南三十里桂勝檀市在州南九十里南市在州南十里木石港市在州南三十里鹽埠頭市在州西三十里楊港市在州南一百里三溪口市在州西七十里荻田橋市在州西二十里大王殿市在州北八十里高橋市在州西六十里涇洲市在州西南四十里八湘市在州西六十里排市在州西南六十里太子廟市在州北七十里龍港市在州南九十里石田河市在州東南五十里慈口市在州西南百二十里堰下市在州西南百二十里湄潭市在州西南六十里沙洲店市在州西百五十里新塘鋪市在州西南八十里白沙鋪市在州西北五十里陽新市在州西南百里黃連港市在州西北七十五里寶川市在州西南百二十里大畝市在州西南百四十里佛圖市在州西北

三十里小箕市在州西北七十里劉公橋市在州南六十五里鄉在州水以南者曰南鄉在州水以北者曰北鄉

南鄉有里十九曰宣化曰豐義曰豐葉曰上豐樂曰中豐樂曰下豐樂曰新亭曰寶政曰善福曰永章曰新安曰崇仁曰懷仁

曰樂歲曰永城曰長慶曰安樂曰永福曰福慶北鄉有里十九曰吉日曰慈口曰上陽新曰下陽新曰宣教曰上雙遷曰下雙

遷曰修淨曰歸化曰崇慶曰朝陽曰新興曰修善曰樂平日長樂曰仁義曰東鄉曰興瑞曰興教

富池鎮汎千總在州城東六十里龍港市汎把總在州城南六十里黃額口汎外委在州城東北五十里

東路自州城鋪十里至楊林鋪又十里至硃紅鋪又十里至臨岡鋪十里至板橋鋪又十里至石田鋪又十里至西池鋪又十

光緒湖北輿地記四

三

里至黃岡鋪又十里至高龍鋪又十里至永城鋪又十里至江西瑞昌縣甯公鋪

西路自州前鋪十里至金墩鋪又十里至荻田鋪又十里至大塘鋪又十里至啟良鋪又十里至白沙鋪又十里至梁公鋪又

十里至小箕鋪又十里至大箕鋪又十里至倪家鋪又十里至大冶縣縣前鋪

南路自州前鋪十里至吳塘鋪又三十里至駱灣鋪又三十里至遠灘鋪又十五里至永淡鋪又十五里至楊辛鋪又三十里

至慈口鋪又十五里至通山縣界首鋪北路自州前鋪十里至費師鋪又十里至良薦鋪又十里至陶

港鋪又十五里至大丫鋪又十五里至小丫鋪又十五里至黃額鋪又十五里至蘄州州前鋪

職官

知州 州判 學政 復設訓導 巡檢二員一駐富池鎮 一駐龍港市 吏目

城守營參將 千總一員駐富池鎮 把總一員駐龍港市 外委一員

駐黃 穎口

大冶縣

沿革

禹貢荊州之地職方爾雅亦屬荊州周為楚鄂國地秦屬南郡漢為鄂縣地屬荊州江夏郡後漢因之三國吳改鄂為武昌析鄂置陽新而大冶為武昌東境陽新北境屬荊州武昌郡晉仍為武昌陽新地東晉武昌郡屬江州宋齊仍為武昌陽新地屬鄂州武昌郡梁分武昌置安昌改陽新為永興度江夏郡大冶則為安昌永興地太平寰宇記言梁置安昌縣在永興縣西北九十里分屬於武昌江夏

光緒湖北輿地記四

古

二郡陳因之但復永興為陽新隋廢安昌入武昌改陽新曰富川後又改曰永興大冶則為武昌永興地屬荊州江夏郡唐仍為武昌永興地置大冶場屬江南西道鄂州永泰後置鄂岳觀察使元和中置武昌軍節度使鄂州皆屬之五代於梁唐時仍為鄂州之武昌永興地屬吳唐遙改武昌軍為武清軍於晉漢周時屬南唐保大十三年升大冶場為大冶縣屬鄂州實割永興武昌二縣地為之宋太平興國二年置興國軍大冶自鄂州度屬焉隸江南西路元至元中升興國軍為興國路總管府屬江西等處行中書省後屬湖廣明太祖甲辰年改興國路為興國府洪武九年降為興國州大冶縣仍屬之隸湖廣布政使武昌府 國初因之康熙三年分湖廣布政使為湖北布政使大冶縣徑隸武昌府不屬興國州矣

疆域

廣八十三里縱八十七里至 京師陸程三千零六十七里至  
本府陸程二百五十里橫距府經綫一百一十里縱距府緯綫  
九十三里斜距府一百四十五里東至蘄州界四十五里西至  
武昌縣界三十八里南至興國州界四十五里北至武昌縣界  
四十二里東南瀕湖興國州界東北至蘄州界三十六里西南  
至武昌縣興國州界四十八里西北至武昌縣界四十三里  
天度 增 日出入

緯度北極出地三十度四分三十四秒經度距 京師中綫偏  
西一度三十六分十秒

冬至日出卯正三刻十三分十三秒日入酉初初刻一分四十  
七秒晝四十刻三分三十五秒夜五十五刻十一分二十五秒

光緒湖北輿地記四

五

夏至日出卯初初刻一分四十七秒日入酉正三刻十三分十  
三秒晝五十五刻十一分二十五秒夜四十刻三分三十五秒  
山

大冶之山由省垣正脈桃花尖所分東支東迤至縣西南五  
十里之馬橋坳入縣境其東支與興國交界者於興國詳之  
其北支入武昌境至縣西四十里之大茗山入縣境東北至  
縣西北二十六里之高峯山又北至縣西北四十五里之葛  
山復北入武昌縣境者於武昌詳之茲敘高峯山以東白石  
山一支高峯山之東曰白石山又東曰東方山方輿紀要言  
在武昌縣東故名又東曰石龍山石龍東北曰排子山排子  
之北曰龜山排子之東曰馬鞍山又東北曰磨石山石龍東  
南曰鸚哥山鸚哥之東曰白塔畧又東曰黃荆山黃荆東北

曰瑤山又北曰吉祥山黃荆東南曰周家山又東曰覆鐘山  
覆鐘之北曰回山方輿紀要言回山有飛雲三洞稱奇勝覆  
鐘之東曰寶巖產煤又東曰畫雞屏畫雞屏之東北曰伏虎  
山又東曰橐駝山又東北曰西塞山方輿紀要言爲吳楚分  
界處旣險且峻橫嶠枕江危峯對岸長江東注高浪飛翻袁  
宏東征賦沿西塞之峻嶠是也風俗記山延連江側東望偏  
高故名後漢孫策繫破黃祖於此劉宋蕭曠遣軍主桓敬等  
據西塞山爲柳世隆聲援是也蓋自古爲形勝地峭石壁立  
斜度成直角仰望即落冒也西塞之東曰鹿角山即水經注  
所謂東對黃公九圻也畫雞屏之南曰小橫山大橫山又南  
曰磊山畫雞屏之東南曰琵琶山琵琶山之南曰章山琵琶  
山之北曰石磊山琵琶山之東曰分水嶺分水嶺之南曰狗  
臉山分水嶺之北曰老龍岡分水嶺之東曰黃家山黃家山  
之南曰觀音山又南曰螺螄山黃家山之北曰北風尖轉而  
東曰石龍山又東曰陸家山鸚哥山之西南曰石磊又西南  
卽縣城此白石一支實延亘於華家湖與漳源湖間者也

水

江水自武昌縣東南流至縣東北三十六里之黃石港入縣境  
江東北岸爲蘄水蘄州交界處黃石港卽水經注之黃石磯一  
名石茨圻者有港西注四里達華家湖華家湖西與保安湖通  
以延匯於縣北境

保安湖在縣西北西通梁子北注樊港東則入華家湖無長  
源大水蓋亦江水豬蓄之區也縣西三十六里與武昌縣交  
界處曰李家坳有小水北流十里至毛家鋪北匯爲汊毛家



鋪之東南有小水出大洪山西麓北流五六里來入於是西北匯七里至保安鎮北五里有汭西南匯入武昌縣境十里至范家灣西距武昌縣烏翎湖之熊家寨汭僅三四里自汭口北匯湖面漸闊矣傍岸西北池六里至吳家觜又西北三里至劉河觜觜西北二里曰道人觜劉河道人間有汭西南匯約四里西距武昌之大白港東岸僅二里許自道人觜北少西池七里至蔡家山西麓轉而東少北池十里至陸家觜觜北二里曰磨子山自磨子山北池六里至東溝口西北通長港之口也自東溝口東北池八里東去岸里許有北練山東西長約二里廣半之北練之南少東二里有南練山約方二里皆矗立湖中者也南練之南又曰河涇湖自北練山北傍岸東池七里東南去岸里許有三山約方二里三山之東

二里有石碧山約方一里石碧東南一里有王母山約方二里王母之東里許有洲南北亘長約四里廣一里洲有市曰鮎魚市洲之東二里有李家墩方不及一里亦湖中小墩也諸島東西列湖中凡十餘里於是三山之南曰三山湖石碧之北曰石碧湖蓋隨地異名焉自三山西北傍岸北池八里至楊澤溝南口有溝東北注四里達長港自溝口轉而東南池十一里至大興山南觜觜南距湖中鮎魚市北頭僅二里許自觜東南池八里至碧石渡北岸距南岸僅二里餘蓋至此復爲汭而李家墩實值汭口之西又自保安鎮北汭口傍岸東北池五里有水自犢山西麓西流爲汭經金山梅子山之北張家山兩山之南計長十里來注自汭口東北池五里有汭東匯於礪山兩山之間凡六七里自汭口北池經蕭公

觜凡六里至古塘觜觜北有鍊山水出鍊山鋪北西北流匯  
爲汭凡二十里來注蓋卽晉書地理志所謂新興馬頭也自  
古塘觜東北迤二里爲吳家觜觜北有汭曰大沙港東少南  
匯約十里自吳家觜東北迤八里至五卦山西北麓北有汭  
曰小沙港東南匯約五里五卦山西北麓北距鮎魚市南頭  
僅里許自小沙港口東北迤五里至碧石渡市南津也自碧  
石渡東匯四里入港東南注十里至劉家山東北入華家湖  
於是名其港曰劉家山港自港口西南匯八里至獅子山北  
麓爲華家湖極西處自獅子山北東迤十六里至梅家墩南  
有鍊山水出鍊山東麓東依獅子山小洪山花山銅竈山之  
南麓流十八里來注梅家墩湖中小阜也東西四里南北二  
里西南距岸約里許梅家墩之東南一里有石龍頭亦湖中

小阜東西二里廣半之南距岸里許自鍊山水口東迤十里  
轉而北迤二里至黃石港西口又自劉家山港口傍北岸東  
迤十八里至葉家灣觜爲北通武昌縣石頭湖之口口中有  
蜀山唐山屬武昌山也自觜東渡三里至口東岸轉而南迤  
二里至月亮山山之西二里湖中有蘇家墩南北長約二里  
廣半之自月亮山南迤三里至黃石港西口於是東注四里  
達江

江水自黃石港南流六里有港口西北匯六里爲青山湖又東  
南流二里至石灰窰有港口西匯爲湖其西北匯者曰北湖曰  
張家窪自港口至西北岸磨石山下長十二里其西南匯者曰  
南湖曰張家湖自港口至西南岸長十三里而自港口至西岸  
僅八九里故其形中凹湖中有小阜所以分南北湖也江水又

東南流二里至賭錢磯新修鑊山鑊路抵江處也自黃石港至此江南岸均築隄禦漲江水又東南流十三里至西塞山北自賭錢磯迤東有吉祥山回山覆鐘山伏虎山橐駝山西塞山橫亘江上卽水經注所謂山連延江側東山偏高謂之西塞是也西塞之東三里有鹿角山與西塞對峙水經注所謂東對黃公九磯兩山之間爲闕塞者是也兩山間爲道士泐唐曹王皋攻淮西嘗結砦於此亦名土泐鎮或以爲卽水經注之土復然酈以爲北岸地名竊慮不然江水自鹿角山北東流九里至風波港口北風波港西少南匯十一里爲油榨湖蒲塘湖南北廣不及一里其西岸直倚西塞山南麓矣風波港北岸卽蘄州之茅山港也江水自風波港口東南流五里至余家港口東余家港西南注三里匯爲夏浴湖西北至東南約五里廣半之其西北

岸與油榨湖岸近約一里江水自余家港口東南流四里至漳源港口東卽水經注之漳口也港西南注爲漳源湖蓋卽江浦漳源湖所受水源稍長者曰鴻賓橋水源出縣西南四十六里武昌交界之七頂山東流武昌縣地五里過石姑橋又東流六里有九眼橋水南出武昌縣之大王廟東北流六里過薛家橋又東北流七里過九眼橋又北流二里會南出靈溪鄉北流過慶擔山相公冒山之東西北流一水來會三水旣會又東北流三里入縣境受自西流十二里來注之三眼橋水又東北流八里有小水自西來注又東北流二里有茗山堡水自北來注又東北流三里過鴻賓橋又東流二里爲匯曰六鍾湖東北匯六里曰新橋湖湖面漸闊南北約四五里湖西北隅有汊西北匯約三四里又東匯六里至汪家腦南

岸有棲儒橋水源出縣西南三十二里之殷家山東北流五里至張家橋又東北流二里至源潭橋又東北流二里至胡庚橋又東北流二里有蔡家港水自東南來注又東北流二里至大角山南之南昌橋又北流四里至小角山東之姜橋又西北流八里至棲儒橋又北流十里來注湖水自汪家腦東匯五里曰下袁湖北岸爲鼇山堡堡之東西爲兩汊堡之西北有小水東南流十里至鼇山東分爲二支其西支南流十里至堡西汊注湖其東支東南流經鼇山堡之北十里會東北自石龍山西南流來之水南匯爲堡東汊又南四里注湖自下袁湖東南注六里至縣城南大橋鋪寶湖口津渡也兩岸距約四里渡東南曰南湖又東曰金湖又東曰漳源湖於是自大橋鋪北津傍湖北岸迤東三十里至磊山中間港

汊頗多其著者縣城東二里之蛟潭堡汊北匯約五里蛟潭之東二里有尹家湖汊東北匯十二里及於永福橋尹家湖東六里有楊柳港東北匯約八九里楊柳港之東十里有王葉港北匯約八九里自磊山東迤八里至龍泉港北匯爲龍泉湖南北約六里東西約五里自龍泉港東匯八里至漳源港西南口卽上漳源口漳源湖本大冶興國共跨之浦故自大橋鋪傍湖南岸東南迤寶興國地凡二十里至五龍菑又東少北迤十里至千秋港口北有千秋港水出興國州西北四十六里之馬村北流十四里受自西流來之黃連港水又東北流五里匯爲馬家湖東北匯十里入港北流八里來注自千秋港口東迤十八里至分泉嶺西轉而東北迤六里至漳源港西南口口北卽爲大冶地入港東北曲曲流十五里

注於江港北爲大冶港南則興國也

鄉鎮

縣有鎮市七鄉四堡六十八

保安鎮在縣西六十里黃石港市在縣東北五十里石灰窰市在縣東北六十里道士沱市在縣東九十里換條橋市在縣西北四十里姜橋市在縣西南五十里棲儒橋市在縣西南十五里

鄉在城東者曰永豐鄉在城西者曰宣化鄉在城西南者曰安昌鄉在城北者曰四會鄉

永豐鄉有堡二十一日蛟潭曰楓樹曰尙和曰關王曰白墳曰貓磯曰道士沱曰袁家湖曰黃石灣曰石灰窰曰五廟曰黃石港曰申明曰泉塘曰呂甫曰七花曰鳳凰曰宋皇曰桐城曰陽

光緒湖北輿地記四

三

嶺曰楊澤安昌鄉有堡十三曰馬叫曰姜橋曰南昌曰分流曰涼亭曰龍濟曰永清曰南方曰馬嶺曰長嶺曰天臺曰講堂曰棲儒宣化鄉有堡十六曰石鼓曰土橋曰喬店曰金山曰保安曰黃土坡曰吳王曰橫山曰月山曰司徒曰梅山曰茗山曰楊橋曰洋湖曰多寶曰彌陀四會鄉有堡十八曰縣市曰五里曰石磊曰金橋曰東方曰南河曰鐵山曰長虹曰駕鴻曰三山曰北練曰河涇曰換條曰城山曰古塘曰松山曰鼇山曰黃土保安汛外委在縣城西六十里道士沱汛外委在縣城東九十里

西路自縣前鋪十里至興國州倪家鋪

南路自縣前鋪十里至磊石鋪又十里至金橋鋪又十里至東方鋪又十里至鐵山鋪又十里至長虹鋪又十里至桐城鋪又

十五里至武昌縣梅嶺鋪

職官

知縣 復設教諭 訓導 巡檢一員駐道士洪 典史 把總一

員 外委二員駐保安汛 駐道士洪

通山縣

沿革

禹貢荊州之地職方爾雅亦屬荊州周為楚鄂國地秦屬南郡漢為鄂縣地屬荊州江夏郡後漢因之三國吳改鄂為武昌析鄂置陽新通山則為陽新地屬荊州武昌郡晉仍為陽新地東晉武昌郡屬江州宋齊為陽新地屬郢州武昌郡梁改陽新為永興度江夏郡通山為永興地陳復永興為陽新通山為陽新地仍屬江夏郡隋改陽新曰富川又改富川曰永興通山為永

光緒湖北輿地記四

三

興地屬荊州江夏郡唐為永興地屬江南西道鄂州永泰後置鄂岳觀察使元和中置武昌軍節度使鄂州皆屬之五代為鄂州之永興地於梁唐時屬吳唐遙改武昌軍為武清軍吳武義中置羊山鎮於永興縣西南境於晉漢周時屬南唐保大中升羊山鎮為通山縣屬鄂州宋太平興國二年置永興軍明年改興國軍通山自鄂州度屬焉隸江南西路紹興四年廢為鎮明年復為縣元至元中升興國軍為興國路總管府屬江西等處行中書省後割屬湖廣明太祖甲辰年改興國路為興國府洪武九年降為興國州通山縣屬之如故隸湖廣布政使武昌府國初因之康熙三年分湖廣布政使為湖北布政使通山縣徑隸武昌府不屬興國州矣

疆域

廣七十一里縱七十五里至 京師陸程三千二百二十里至  
本府陸程一百八十里橫距府經綫二十八里縱距府緯綫一  
百九十二里斜距府一百六十里東至興國州界三十八里西  
至崇陽縣界三十三里南至江西義甯州界五十四里北至興  
國州界二十一里東南至江西武甯縣界六十七里東北至興  
國州界二十三里西南至崇陽縣界六十里西北至咸甯縣界  
三十二里

天度

增日出入

緯度北極出地二十九度三十四分四十八秒經度距京 師  
中綫偏西二度五分十八秒

冬至日出卯正三刻十二分二秒日入酉初初刻二分五十八  
秒晝四十刻五分五十六秒夜五十五刻九分四秒夏至日出  
卯初初刻二分五十八秒日入酉正三刻十二分二秒晝五十  
五刻九分四秒夜四十刻五分五十六秒

光緒湖北輿地記四

三

山

幕阜山東支至縣西南六十里之三界尖分東北兩大支其北  
支爲省垣正脈者自三界至蓮荷爲通崇界凡自通崇界東入  
縣境之山已於崇陽詳之茲敘北支自蓮荷嶺始敘東支自三  
界尖始三界尖之北有支阜延亘於陸水別源與西牛山水間  
者曰西牛山西牛山水出焉又北曰楊竹坑山又北曰觀音山  
觀音山之東北曰李家巖山又北曰原架山又北曰西莊山觀  
音山之西北曰樂家山又北曰八仙廠山又北曰塘羅山又北  
曰朱吉山三界尖之東曰全紅山其北有支阜延亘於龍會水  
與虎坑山水間者曰虎坑山虎坑山水出焉又北曰元山又北

曰林上山林上山之東北曰謝甲山林上山之北曰杉塢坳又  
北曰龍鬚山龍鬚山之東曰龍巖山龍鬚山之北曰紫木坑山  
全紅山之東曰龍頭石山其北有支阜延亘於虎坑山水與富  
水間者曰蘆坪山又北曰鄭劉山鄭劉山之東曰車方山車方  
山之南曰余家山車方山之東曰巖家山巖家山之北曰茅埠  
山巖家山之東曰西來山鄭劉山之北曰黃龍山又北曰分龍  
山又西北曰栗樹山又北曰黃土山又北曰排龍山排龍山之  
東曰眉顛山又東北曰楊林山排龍山之西北曰南寶山又西  
北曰何家山曰郭家嶺曰對門山龍頭石山之東南曰八角尖  
又東曰黃荆嶺又東南曰白羊尖富水出焉水經注之青湓山  
也白羊尖之東曰仰天堂山其北有支阜延亘於富水與大仰  
山水間者曰西嶠山曰杉木坳山仰天堂山之東曰大仰山大

光緒湖北輿地記四

十四

仰山水出焉又東曰大陽山其北有黃梨山支山

黃梨山在大陽山北其東有平林山寶石河水出焉黃梨山  
之東北延亘於寶石河與崇福會水間者曰坳山曰箬窩山  
曰西山黃梨山之西曰高嶺山高嶺山之西曰梅家山高嶺  
山之北曰佛臨山崇福會水出焉又北曰余家缺山又西北  
曰牛角窩山牛角窩山之東曰黃泥山牛角窩山之西曰彭  
壠山彭壠山之西曰蔡伍山彭壠山之西北曰戴家壠山又  
北曰青山又北曰新開山又北曰車田山成家壠山又北曰  
七里岡山彭家壠之北曰劉田山轉而東北曰燕頭山燕頭  
山之西北曰城山卽大城山也方輿紀要言山高峻環結如  
城有四石門可階而登中平衍廣數十畝圖經言後漢張平  
子隱此燕頭山之東北曰東坑嶺東坑嶺之東北延亘於桐



港水與富水間者曰上關山曰白箬原山曰高山曰羅緞山  
曰象山東坑嶺之西北曰六窖嶺又西北曰牛犢嶺桐港橋  
水出焉牛犢嶺之北曰大耒山又北曰涼山曰艾家壠牛犢  
嶺之東曰桐規山桐規山之南曰南木逢山桐規山之東曰  
白土山又東曰義門山義門山北曰虎山曰月山義門山南  
曰馬山義門山東曰挖山坳曰燕子峯桐規山之北曰桐子  
坪山又東北曰新洞山新洞山之西北曰神山新洞山之東  
北曰朦朧嶺方輿紀要言嶺險峻迤邐道出江西武甯縣明  
成化間建朦朧堡於其上朦朧嶺之東曰豬肚峯豬肚峯之  
南曰蛇山又南曰老陳元山曰桂魚山又南曰獅子山又南  
曰清明山豬肚峯之東南曰吳家山又東南曰靈覺山又東  
南曰北山豬肚峯之東曰義嶺山又東曰林下山又東曰西

萊山又北曰牛山豬肚峯之北曰蔡家山又北曰上狄山上  
狄山之東曰下狄山下狄山之南曰黃泥壠下狄山之東曰  
風口山上狄山之北曰短洞山短洞山之西北曰月亮山短  
洞山之西南曰石航山以形似名方輿紀要言綿亘數十里  
石航之南曰阮北山石航之西曰石洞山轉而南曰牛頭山  
又南曰鹿山又南曰下卓山短洞山之東曰堰頭山堰頭山  
之北曰金竹山又北曰吳師山又北曰黃土嶺堰頭山之東  
曰沈水山方輿紀要言巖谷深邃人跡罕至圖經言上有大  
龍塘號仰天洞中有仙人壇沈水山之東南曰石牆山沈水  
山之北曰羅家嶺曰閣山曰曹鄧山又北曰凌雲山入興國  
州境又東北曰柏枝山又北止於寶石河入富水口南此寶  
石河與富水間一大支也

大陽山之東曰老巖尖又東曰唐家山又東曰牛跡嶺又東曰古老廟山其北有支阜延亘於寶石河與小源河之間者曰將軍山小源河水出焉又北曰芭蕉嶺又東北曰大坵山又北曰銅鼓凸山古老廟山之東北曰噴雪巖瀑布數百丈觸石飛散如雪故名其西北有支阜延亘於吉港水與小源河寶石河間者曰大山曰船山坳曰苦竹山曰墳坪山噴雪巖之東曰筆架山曰一天門曰伏虎巖曰獅子巖曰雲關曰鳳尖曰試劍石皆九宮山之別阜也又東北曰九宮山相傳普安王兄弟九人避難於此造九宮故名一云山自下而上高峯九層故名宋張道清住此建欽天瑞慶宮於上吉港東港西港水皆出焉其西北有支阜延亘於吉港與西港間者曰仰天塘山曰下龍山曰石洞山曰陡起山曰祿山曰南山曰北山曰濯港山其北有支阜

延亘於東西港間者曰東港山曰西港山曰中平山其東有支阜延亘於武甯界者曰下漿坑山曰吳家壠山曰五里尖山曰五里凸山其東南支阜曰荷葉洲山曰陳家山曰核桃山九宮山之東北曰程家山程家山之東北曰下陽畝山下陽畝山之北曰青龍觜山下陽畝山之東曰黃株山黃株山之北曰八斗坵山黃株山之東曰上陽畝山又東曰寺下山程家山之北曰寺壠口山又北曰石良山跨通山興國及江西武甯地興國之寶塘河水出焉於是幕阜東支至此又分爲二其東支爲興國武甯界者實廬阜正支也其西南支爲通山興國界者有鮑家壠山支山

鮑家壠山在石良山之西北其西入通山境者有阮家山石峯尖月頭坳支阜鮑家壠山之北曰丙林山其西入通山境

者有黃塢山船窩山徐家山石壁山支阜其東入興國境者  
有十甲山八甲山高峯尖支阜丙林山之北曰田林山其西  
入通山境者有黃角山內胡山芋頭山黃鶯尖支阜田林山  
之北曰蛇嶺富有水出焉其西入通山境者有碧水山和尚  
腦北山支阜蛇嶺之北曰白馬山其東北入興國境者有太  
山白巖山牛頭山支阜白馬山西北曰大成山其西入通山  
境者有包山萬杉山石梯山支阜大成山之西北曰鍊鑪山  
又西北入興國境止於寶石河入富水口東此寶石河與寶  
塘河間支山也

蓮荷嶺本省垣正脈也其西分支爲崇咸蒲界者於崇陽蒲圻  
詳之其北分支入咸甯境者於咸甯詳之茲敘正支爲通山咸  
甯界者蓮荷嶺之東曰楚王山通山之楚王山水出焉其北入

光緒湖北輿地記四

三

咸甯境者有豬婆山柏墩山犁頭支阜其南入通山境延亘於  
楚王山水與山口鋪水間者曰宋家巖又南曰魯林山又南曰  
上畝山又南曰白山又南曰油麻尖又東南曰石壩山石壩山  
之西曰嶺下山石壩山之南曰陳山曰關山石壩山之東曰野  
雞山曰熊家山楚王山之東曰浚水嶺通山之山口鋪水出其  
南咸甯之塗水別源出其北其北入咸甯境者有白雲山支阜  
其東南入通山境者有黃股嶺支阜

黃股嶺在浚水嶺東南又東南曰羊城山卽陽城山也羊城  
山之東曰黃古尖羊城山之南曰上會嶺上會嶺之西南曰  
大公山又西南曰筍排山上會嶺之東曰大墓尖上會嶺之  
南曰黃鶯尖黃鶯尖之東曰鄭家坪山黃鶯尖之南曰會子  
嶺會子嶺之南曰白里山又南曰骨友山會子嶺之東曰和

尙山和尙山之東南曰戈甲山和尙山之東曰中會嶺中會嶺之南曰白鶴峯中會嶺之西北曰白楊山又西北曰朱家壩山中會嶺之東曰下會嶺轉而南曰羅峯尖又南爲縣城浚水嶺之東曰南山巖其北入咸甯境者有木子坳支阜南山巖之東曰鄭家山其東南入通山境者有冉家山下長山筆架山長林頭支阜鄭家山之東曰黑山其西北入咸甯境者有高峯嶺蓮蓬山支阜黑山之東曰小坳山其北入咸甯境者有黃蛇洞南州山支阜其南入通山境者有黃家嶺支阜小坳山之東曰北山跨通山咸甯興國三州縣地於是省垣正脈至此又分爲二其東北正脈實爲咸甯興國界於咸甯篇詳之其東南分支則爲通山興國界山

通山興國界山自北山西南入通山境者曰黃家山又西南

曰盧家山又西南曰梅山又西曰平沙山自北山南入通山境者曰羅坳山又南曰石巖山又南曰安祿山安祿山之南曰金盆嶺安祿山之東曰岳州尖岳州尖之東北曰大堰山東南曰半山岳州尖之東曰茅田山又東曰杉木塢山杉木塢之北曰高坑山南曰高橋嶺北山之東曰細竹嶺其南入通山境者曰梅山峽細竹嶺之東曰西壠山又東曰南山其南入通山境者曰石鼓山其東北入興國境者曰九折嶺慈水出焉九折嶺之東北在慈水西北岸者曰小梅山九折嶺之東在慈水東南岸者曰白牛嶺白牛嶺之南曰王家山又南曰相巖山白牛嶺之東曰三口泉三口泉水出焉又東南曰長嶺長嶺之南曰龍巖山長嶺之東南曰杜家山又東南曰羅家山曰王侯洞長嶺之東曰吉口山轉而南曰金盤山

此慈水與富水間支山也

水

富水一名長河源出縣南少西五十六里之白羊尖卽水經注之青湓山也西北流八里至張公隘東受南出八角尖一小水又北流五里轉而東北流逕黃公下堡及余家山之南西嶠山之北凡十二里至西嶠口受東南出大仰山一小水轉而北流逕西來山之東八里至西來寺東轉而西北流逕翠屏會北十四里逕藕塘市東又北少西流十二里至雙港口有別源出縣西南六十里之北山東北流逕楊竹山車頭山之東樂家山朱吉山之西凡二十五里至程嶺北受自西來之界首山小水又東流二里會自南來一水又北流二里逕楊芳林市之東轉而東流四里至龍會堡東北有虎坑山

光緒湖北輿地記四

三五

水南出虎坑山北流三十里來注別源又東流逕郭城會南東南流逕何家山北十里受自南來之眉嶺山小水又東北流三里來會二源旣會東北流十里逕夏鋪市南又東北流逕望江嶺之東十二里至艾家壠東北有聶家壠水東北出上狄山西南流二十二里至聶家壠南轉而北流五里來注富水旣受聶家壠水又北流二里有湄港水西南出劉成山東北流逕文林山北向山之南戈甲嶺石圳嶺之北泉門山之西宋家山之東凡二十六里至湄港市南又東流三里來注富水旣受湄港水又東北流六里至永濟橋北有縣河水出縣西南四十五里之黃鶯尖東北流逕北山砦木魚山之西凡十二里受自西來一小水又東北流七里至大港橋受自南來之白虎山水又東北流六里至民安鋪南受自西來

之南林橋水又東北流七里有寺下鋪水西北出石塘山東流四里會自南來之蔡家山水又東北流六里至石門畝曰石門港又東南流八里至寺下鋪會自北來之楚王山水又南流五里來注縣河既會寺下鋪水又東北流逕黃土山將軍山之北陳山關山堡之南凡二十里至獅子峯西北受西北自浚水嶺東南流二十二里來注之山口鋪水又東南流五里逕縣城南又東南流二里來注富水既會縣河又東北流十里至花橋鋪南受自西來之鄭家坪山水又東北流六里逕西坑塘市之南又東北流十里至界首入興國州界自界首下游則詳興國篇其西境之寶石河於興國州境內入富水亦於興國詳之

鄉鎮

光緒湖北輿地記四

三

縣有鎮市十四里六堡七十三

山口市在縣北二十里石門市在縣西北三十里南林橋市在縣西三十里寺下鋪市在縣西十五里朱家橋市在縣東北五里西坑潭市在縣東十五里湄港市在縣南十里厦鋪市在縣南二十五里藕塘市在縣南四十五里富有市在縣東四十里楊芳林市在縣南五十里新豐市在縣南三十里寶石市在縣東南四十里橫石潭市在縣東南五十里

里在城東者曰仁厚里在城東南者曰永安里曰慶和里在城西南者曰豐樂里曰崇仁里在城西北者曰興善里

仁厚里有堡九曰隱龍曰茶灘曰港潭曰衢潭曰高坑曰寨下曰茅田曰茅洲曰西坑永安里有堡十三曰望興曰耒陽曰關山曰豐隆曰茅坪曰萬家曰黃公曰象牙曰宣泥曰巖軒曰富

有曰萬杉曰東溪慶和里有堡十九曰官堰上曰官堰下曰牛  
犢上曰牛犢下曰文明上曰文明下曰礮石曰小寨曰泥坑曰  
黃城曰船埠曰茅埠曰寨頭曰沙坪曰小源上曰小源下曰寶  
石上曰寶石下曰聚潭豐樂里有堡七曰山溪上曰山溪下曰  
龍會上曰龍會下曰甯張上曰甯張下曰正陽崇仁里有堡十  
六曰雨霖曰南山曰新橋曰高嶺曰朗口曰湄溪曰獅子曰羅  
城曰大圩口高橋曰石門曰石橋曰塘坪曰黃田曰雨山曰黃  
坪興善里有堡九曰山口上曰山口下曰吳田上曰吳田下曰  
石宕上曰石宕下曰洋都曰田東上曰田東下

東北路自縣前鋪二十五里至花橋鋪又二十五里至界首鋪  
又三十五里至興國州慈口鋪

西路自縣前鋪二十五里至民安鋪又三十五里至崇陽縣露

口鋪

西北路自縣前鋪二十五里至山口鋪又二十五里至咸甯縣  
白沙鋪

職官

知縣 復設教諭 訓導 典史 外委